

開縣志

人物

陳壽益部耆舊傳常璩華陽國志所錄蜀人士不下數百人而吾開竟寥寥焉或古者士修於家不求聞達耶抑地處僻遠輜軒之使不及耶今自明以下科名代興至於行端品潔崇尚風義常則明詩習禮望重鄉閭變則成仁取義身膏鼎鑊則固名都大邑所不能多見者已作人物志第二十五

人物

鄉賢

漢

扶嘉 通志胸忍人初嘉母於湯溪側夢龍而生
嘉長占吉凶巧發奇中高祖爲漢王與嘉相遇獻
定三秦策高祖以其志在扶翊賜姓扶氏爲廷尉
食邑胸忍按扶嘉生於湯溪湯溪在今雲陽縣本
非開人然開亦嘉食邑故列諸

徐慮 華陽國志胸忍人與魚復蹇機上書先主

開縣志

卷廿五

人物

二

復巴名

唐

李潼 進士

崔冲 進士皆元和時人按太平廣記二人常從
刺史韋處厚遊是亦賢者也

明

汪瀚 成化庚子舉人辛丑進士初知河南脩武
縣莅政廉勤愛民如子歲旱設賑民賴全活以憂
去任父老泣留服闋補扶溝縣尋擢太僕寺丞三

載考滿上賜勅褒之曰巡行州縣馬課不虧閱歷
歲年官評斯著以疾告休進階光祿寺少卿致仕
嚴琥 成化癸卯舉人任廣東高州府同知時石
城信宜二縣大饑民多流徙琥乃捐俸賑濟化州
吳州等處歲辦鑛鐵民苦賠累無敢言者琥力請
停止民歌曰活我嚴父生我慈母以疾歸民泣送
之

汪安宅少卿瀚之次子劔閣芳華集安宅讀書好
古不求聞達鄢藍賊攻城安宅率鄉兵禦之有室

開縣志

卷廿五

人物

三

在城外賊欲乘以攻城安宅發火箭焚其室連燒
賊營圍遂解時稱爲義士安宅能詩有題雲陽桓
侯廟云桓侯忠義鐵心肝雲怕孤高雪怕寒惟有
五峰祠下水年年猶濯漢纓冠

舊志胡邦盛論曰汪光祿慥慥君子也其教家嚴
肅有萬石君風故其世多賢裔云嚴公之減稅溥
惠是循吏也並著之嗟乎開自韋唐諸公以文興
教乃其鄉雋落落千載後僅一二見焉才難不其
然哉

國朝

徐行德字樹滋號果亭縣人父大成歲貢生行德少穎異好讀書有至性稍長遊蓮峰書院時錢塘名進士張鳳翥爲山長見其凝重深相器許後由廩膳中乾隆丁酉拔萃科屢赴鄉闈薦不售遵例就教職需次在籍家故貧惟以聚徒講學爲事爲芙蕖書院山長者數年所成就多知名士邑令鄒儀贈以坐看玉尺好量才之句嘉慶中選納谿教諭以繼母年高不欲就母曰汝第往吾猶及見汝

開縣志

卷廿五

人物

四

歸也不獲已留妻侍奉隻身赴任十有二年既至任仍主雲溪講席邑令楊公道南榜其庭曰木鐸有神故事教官送考咸較束脩行德惟以禮見弗計厚薄暇則作爲詩歌多憶母憶兄惻然仁孝一日心動不謀於衆遽請歸養抵家甫七日而母卒未半月伯兄亦故鄉人嘆曰先生殆前知非孝感能若斯耶居近縣非故不入城市布袍竹杖無賢不肖一覩其面皆肅然起敬縣令高學濂造廬訪焉壽七十有五卒於家

人物二

鄉宦

明

汪瀚 成化辛丑進士初知河南修武縣丁憂

服闋補扶溝縣尋擢太僕寺丞進階光祿寺少

卿致仕

嚴琥 永樂癸卯舉人任廣東高州府同知

熊涵 萬歷中貢生任廣東萬州知州

吳義 貢生任桂東縣知縣

開縣志

卷廿五

人物

五

孫和 貢生任柳州府同知

譚源 貢生任交趾古風縣知縣

黎子才 貢生任安慶府經歷

徐友 貢生任訓導

陳緯 貢生任訓導

羅文 貢生任訓導

曾俊 貢生任湘潭主簿

寇中 貢生任紹陽主簿

胡天祿 貢生任衡山主簿

向彬 貢生任霑化主簿

冉麟 貢生任照磨

祝銘 貢生任監利教諭

鄧秋潭 貢生任監利訓導

王政 貢生任鶴慶推官

黎守信 貢生任南京主事

譚遜 貢生任兗州通判

向質 貢生任太安縣知縣

陳義 貢生任繁昌主簿

開縣志 卷廿五 人物

彭彬 貢生任通州經歷

聞義 貢生任温州府知事

李敏 貢生任吏目

祝贊 貢生任松江縣知縣

聶成 貢生任吏目

王紀 貢生任理問

葉桂 貢生任提舉

李鵬 貢生任吏目

康貴 貢生任府知事

鄭廉 貢生任吏目

何璋 貢生任主簿

徐成 貢生任訓導

馮昌 貢生任縣丞

嚴明 貢生任歸州判官

李仁 貢生任金齒經歷

鄧文 貢生任大理經歷

周禮 貢生任瑞昌訓導

張憲 貢生任乾州訓導

開縣志 卷廿五 人物

陳麟 貢生任西安訓導

熊英 貢生任主簿

熊邦祥 貢生任訓導

王綬 貢生任平越教授

李裕 貢生任平涼訓導

黎獻 貢生任富州吏目

姜繼望 貢生任龍陽縣丞

汪安泰 貢生任無錫縣丞

李新 貢生宜君教諭

徐從益 貢生任湘鄉主簿

徐時用 貢生任石首縣丞

江完 貢生任臨安照磨

蔣應奎 貢生任西鄉訓導

王尙賓 貢生任黃岡主簿

汪霖 貢生任宣城主簿

曾富 貢生任訓導

傅忠 貢生任訓導

魏廷甫 貢生任長沙訓導

開縣志

卷廿五

人物

八

王加表 貢生任枝江縣訓導

嚴漢節 貢生任訓導

盧尙謨 貢生任漢陽訓導

徐上 貢生任教諭

向夔 貢生任訓導

徐采 黃嘉猷 李守約 吳士奇 向涵

汪時修 粟千鍾 以上七人仕履無考大覺寺

僧傳復鑄像碑但稱鄉官某某云

國朝

汪世涵 由附生任直隸天津縣楊青驛丞

桂 紳 由吏員任湖北遠安典史陞浙江長興

縣丞調寧海縣丞署天台縣知縣

陳希武 由廩生軍功議敘選湖北隨州州同署

當陽縣知縣

李于廷 邑廩生任湖南辰州府經歷署沅陵淑

浦二縣知縣

羅廷達 監生湖北候補通判署施南府通判

陳以貫 監生分發湖南候補從九

開縣志

卷廿五

人物

九

廖培湘 附生軍功議敘府經歷分發山西候補

蔡世瑛 廩生以軍功議敘選福建邵武縣水口

司巡檢

李大雄 歲貢署保寧府教授

蕭宗政 軍功議敘選陝西興安府孝義廳巡檢

趙繼三 歲貢任長壽教諭

范光天 歲貢任龍安府教授

范如蘭 拔貢任永寧教諭

徐行德 拔貢任納谿教諭

余成中 歲貢任內江教諭

潘飛雄 歲貢任江南南匯縣丞

陳萬錫 歲貢任安岳訓導

范藻 歲貢任資陽訓導

楊作棟 歲貢任大足訓導

曾作礪 歲貢任營山縣教諭

楊茂 歲貢任鄭州吏目

向伋 歲貢任井研訓導

謝廷枚 歲貢任永寧教諭

開縣志

卷廿五

人物

十

曾世鼎 歲貢任彭水教諭

鄧光斗 歲貢任安岳教諭

熊國組 舉人任綿州學正

陳堃 進士任翰林院編修

蕭天良 廩貢任墊江縣教諭

蕭澤濬 廩貢署保寧府教授

蕭炳然 舉人任瀘州訓導

沈延廣 舉人現任大足縣教諭

沈西序 進士現任貴州畢節縣知縣

陳崑 進士任直隸永清縣知縣

李宗羲 進士現任安徽太平縣知縣

蕭澤洋 附貢貴州候補通判署印江縣知縣

蕭晟 監生江西候補巡檢

張大爲 歲貢任南部縣訓導

楊作高 貢生任河南固始縣縣丞

羅宗貴 江里大海溪人當明季姚黃亂以禦賊

功洵陞至湖北鄖陽鎮總兵

按大覺寺康熙八年碑稱向化侯標下總兵官

開縣志

卷廿五

人物

十一

羅宗貴蓋始爲賊黨繼隨譚誼投誠也考譚誼投誠在順治十六年今宗貴墓碑稱康熙十五年自鄖陽鎮解組歸二十五年五月初四日卒是則効力我朝者一十七年卒能以功名終也

范應元 邑人由武功歷任浙江撫標左營都司調陝西涼州城守都司

堯至勲 江里人由鄉勇勦賊有功議叙龍安營把總

何文 江里人由鄉勇勦賊有功任通巴營守

備游陞巴州營擊

鄭仕祥 江里人由鄉勇勦賊有功任大竹縣外

委

人物三

節義

明

陳秉元正德七年鄆藍賊爲亂揚言欲奪臨江市
秉元倡率義兵二千有奇追至富順三母灘奮勇
當鋒賊衆辟易援兵不繼力戰死之鄉人義而祀
焉

國朝

桂紳縣人由吏員仕至湖北遠安縣典史陞浙江

開縣志

卷廿五

人物

十三

長興縣丞被議歸籍嘉慶二年六月雲陽賊首林
亮功大衆滋擾紳聞賊將竄開卽出家貲練鄉勇
千餘名赴雲陽四十八塘衝賊穴生擒賊首蕭國
良等三十餘名賊夥折竄白巖山紳率衆追至白
家溪擊散賊衆九月馳赴總理糧務川東道李憲
宜請奮勇先驅擊賊提督穆克登阿扎令從副都
統烏什哈達副將達某進攻白巖山紳率衆先撲
賊隘斬獲甚衆總督宜綿列名入奏

上硃筆雙圈三年正月賊自白巖山竄縣境開州坪紳率

勇先至馬鞍場扼要抄擊賊不得過五月賊下開州坪走萬縣紳奉調至蝦蟆石福子舖堵禦賊素畏紳兵折回開境六月朔蜂至陳家場紳率勇徑往掩襲遏其去路取徑渡河馬蹶落水創發未幾卒大帥無不惜之詳請祀昭忠祠

劉君輔江里人庠生國模之父性素方嚴不以辭色假人嘉慶三年教匪倡亂國謨叩請背負而逃君輔正容無懼色未幾賊至君輔坐罵曰鼠賊不學好人王法行誅爾也賊怒戕之至死罵不絕口

開縣志

卷廿五

人物

十四

賊焚之以火衣服鬚眉盡皆焦爛

張崇梁江里人賊將至兒女牽衣請逃崇梁若無事者比賊至曉譬大義令散其黨賊笑其迂刺以刃梁曰我爲良民雖死何恨但毀我身勿焚我室賊去一村皆焚獨崇梁屋宇無恙賊亦若有所義之者

熊棐江里人貌魁梧鬚髯如戟教匪未至令子孫趨避獨立路側以待賊前鋒欲刺以矛棐曰我欲見爾頭目有所陳說賊意其獻謀者遂引見 逆

棐植立不跪大罵曰汝狼子野心自外生成終必
殄滅原不足較獨可惜汝前後左右皆屬良民被
汝煽惑身首莫保皆汝遺之禍也賊怒其搖亂衆
心縛之樹亂鎗刺死

赫善長邑庠生訓讀里中言笑不苟嘉慶三年突
遇賊匪有識其爲秀才者欲屈之善長奮起大罵
曰我從汝亂臣賊子讀書何爲賊猶婉詞以勸善
長罵愈厲賊怒支解之

程心教江里儒童嘉慶二年被賊擄獲令書文檄

開縣志

卷廿五

人物

十五

堅不肯從賊怒遂害之

盛世儀江里人父宗武早卒母陳氏撫孤守節嘉
慶二年年已八十八賊匪突至閤境遶竄氏老不
能行世儀以布纏母背負而逃至紅巖子地方賊
追及世儀哀求曰我母守節六十年將近九旬願
無殺使得壽終必不獲已請以身代母謂賊曰此
子事我至孝我年已老且暮死且殺我毋傷我兒
賊竟兩害之

姜守禮本城人嘉慶四年遇賊不屈被殺

汪學海本城人嘉慶四年遇賊不屈被殺

馮有恒邑庠生嘉慶二年被圍罵賊死時年六十
三入祀昭忠祠

馮吉德邑庠生有恒堂弟嘉慶二年賊匪入境率
三子與鄉勇攻賊賊獲之勸降吉德正言詈賊曰
汝等鼠輩罔知大義吾首可斷吾志不可屈遂殺
之並殺其二子一子脫歸名興拱

馮吉義江里楊家壩人馮吉仁吉義從弟俱於嘉
慶二年罵賊被害吉仁年六十吉義年六十六

開縣志

卷廿五

人物

十六

羅于鬢邑庠生築天元寨禦賊嘉慶二年賊大至
于鬢鳴金集衆被賊獲欲降之義不食賊怒殺於
臨市江西館側入祀昭忠祠

陳元仕邑庠生遇賊不屈賊欲奪其女亦不許全
家五十餘口盡死之

王端南東里貢生教授里中從遊者衆嘉慶二年
年已七十有六賊得之義不肯屈被害賊去收葬
面如生

王祖清臨江里人嘉慶二年遇賊文家坡命其子

速逃以存禋祀乃率其妻馮氏長媳劉氏次媳余氏三媳魏氏胞妹雷王氏少女一幼孫三合家十餘人悉自縊死

林時寬字崑全臨市居民年五十四嘉慶二年十月二十一日率鄉勇禦賊巫山坎失利請父逃避父正茂年已八十不肯行寬亦不肯行二十四日賊至父子俱遇害

沈學仁臨市居民嘉慶二年十二月賊匪大至舉市逃避學仁獨藏市口潛伺賊探馬頭至出其不

開縣志

卷廿五

人物

十七

意以一石中其腦賊落馬死後衆奄至縛學仁於樹寸割之

蕭國英邑武生嘉慶二年率團勇禦賊於貓兒寨賊掠甚衆既無援被擒賊恨之深以鐵釘釘其手足更以鐵釘攢其心死入祀昭忠祠

吳兆先邑監生嘉慶二年賊匪入境父已七十二歲先被賊獲兆先遶救願以身代賊竟殺之而父無恙

劉成幹邑庠生嘉慶三年賊匪突至先遣散其家

人孤身罵賊被害

李學倫東里人父文成祖世侯嘉慶二年六月賊匪突至奉父及祖避居洞中已獨歸守家倏聞礮聲知洞已破急往遶救途遇賊曰吾已釋汝祖若父可從我共富貴倫不從縛至白橋遇害

唐國珊邑監生嘉慶三年集鄉民百人於佛鎮巖守隘九月廿四日賊從羊子嶺擁出力戰身死同死難者唐國印唐國仲唐朝星唐朝德唐朝魁祁本芳徐中榮曾家儒莫朝相黃元友張崇顯鄭尙

開縣志

卷廿五

人物

十八

德文啟有黃永明周朝綱張崇有白天魁共一十七人

邱國元東里人嘉慶三年遇賊不屈死三子萬爵亦同日遇害

彭仕彩江里人嘉慶二年十二月賊至境仕彩不肯逃罵曰爾等殺生靈毀民房必遭天誅賊怒殺之明年其子歸收屍葬之面如生孫聯陞中嘉慶庚午科武舉

按自桂紳下諸人皆嘉慶初年間遇賊死難其

同時士民遇害者尤多無事實可詳列後

從九鄧啓甲 恩貢熊奎光 歲貢王端南府志一作瑞南

例貢蕭國楷 廩生吳覲揚 增生王崇祐

附生曾大緯一作大偉附生陳宗舜 附生李世椿

附生魏春風府志作春鳳 附生陳鳴臯府志作明臯

附生傅善慶 附生李鳴瑤府志作明瑤

附生張奇緯 附生李芝芳

附生李世勳 監生賴名府志作賴名逢

武生王定一 武生姜光顯 武生郭紹儀

開縣志 卷廿五 人物 十九

武生黃鑑 武生王步鰲 武生蕭德文

團首

熊天祥 黃德元 張大開一作文開 林崑全

嚴文相一作文相 沈賢

鄉勇

趙洪超 趙連玉 林寂裕 陳盛德 林從周

蕭積道 楊達 龔世傳 汪延翼 汪延瀚

陳方勳 陳楚勝 陳方琦 陳楚珍一作楚禎

陳方安 陳楚棟 陳大旺 陳大發 陳方璽

李芳榮

沈抄作李天佑

陳方爵

陳楚貴

陳方登

陳方雄

陳方榮

陳方志

陳方斌

陳楚順

陳楚瑶

陳楚秀

余欽祚

陳方德

陳方武

陳大壽

陳大福

陳大祿

陳楚位

張國瑞

一祚瑶國

張國賢

張國佐

張國祿

李光瑶

李勝元

李紹武

李元虎

李勝禹

張國茂

張國勝

一盛國作

楊才位

段二義

李永乾

陳勝玉

一盛玉作

桂質量

匡懷德

陳黃玉

桂質恒

李天聰

李天贊

周良臣

袁全有

開縣志

卷廿五

人物

廿

謝大鈞

唐元昌

唐太庚

黎思儒

石萬青

張為訓

張世才

張承謨

一永謨作

范光虞

張璇

謝文懷

桂文廣

趙勝友

孫勝儒

謝大用

謝大林

謝大重

張足先

張穎先

譚大亨

一太享作

劉正倫

朱明祿

陳真傳

譚子聘

李之義

李之仁

張可達

楊啟光

蒲應舉

周興朝

李文

何忠貴

一貴作心

蕭才

童啟興

王世祿

宋起萬

張福

李貴

李斌

楊麟玉

陳杰

董鳳

郭大文大一作鄭 林斌 王相栢 張勝文

謝泳照 劉貴 何起鳳 王特英 王世益

王特安 向龍壽能一作壽 葉貴 李世國

仕一作國 張必仁 藍榮 魏福 黃啓林

趙文斗 蕭志太 張次栢 張永剛 張萬英

萬一作普 王允萬 秦學信 王宗文 王第洪

王自德 何太江 譚陞 詹陞 譚龍彬

能一作斌 湯尚方 李文明 何齊用濟一作川

劉成 劉彬 張尚志尚一作忠 譚述君

開縣志 卷廿五 人物 廿一

君一作述 王啟通 曾嘉龍嘉一作能 董陞

楊玉棟 曾大成 張國禮

義民

涂三清 陳元依 陳元仲 陳望魯 曾大士

曾大化 汪國俊 李文惠 陳德湟 賀富棟

陳德洪 李應舒 陳德洋 陳德潛 陳德潤

陳元伸 陳德浦 魏正太 胡升 吳廷採

李述榮 陳德棟 陳德溢 陳德深 向祿太

李品 胡貴 梁朝順 吳廷召 張梅先

傅 貴 田學祿 梁朝龍

以上紳士二十三人圍首鄉勇義民一百八十五人共二百零八人

韋必仁 陳方祿 李世益 王柏年 沈賢功

向祿文 曾大紀 大一 化作 陳德洞 德一 棟作

汛兵

朱金明 嚴開太 陳宗華 楊德輝

共補遺十二名

人物四

武畧

按蜀東前值姚黃之亂後受徐王之害蹂躪所經
糜爛難堪矣然當其時固猶有才堪禦侮者如周
正子歐陽果尤其錚錚者也自明曾顓而下共得
若干人著於篇

明

曾顓邑人膂力過人機智敏捷時鄆藍賊犯境顓
舉衆禦之身先士卒屢破賊鋒擒獲首惡巡按保

開縣志

卷廿五

人物

廿三

奏世襲重慶衛所千戶

李清正德中流賊壓境委守險隘賊間出黃土漕
清知其狀要擊斬之事聞授武寧巡檢司

謝應蛟湖北人明永歷時由行伍積功至遊擊奉
調來守夔州有功拔參將後致仕遂家於開今邑
庠生光昉卽其七世孫也

國朝

羅宗貴江里人當明季姚黃亂堵禦賊匪有功入
本朝以武功游陞至隕陽鎮總兵

范應元浦里人由武功歷陞浙江督標左都督管
中軍副將軍事陝西涼州城守都司

周正子東里武生善射有膽氣嘉慶二年教匪犯
縣境正子及其子文生定猷督團首潘管凝康文
榮等築砦雪泡山設五隘以禦賊製藥弩鎗箭練
里中少年千餘人皆趨捷敢戰時將軍觀成聞正
子能兵調攻白巖山賊有功川北道李鋹勦辦李
子寨石龍寨二磴巖等處賊正子無役不從前後
斬獲二千餘人自是軍中無不聞正子名三年賊

開縣志

卷廿五

人物

廿四

據官亭寺湖廣提督劉君輔擁兵觀望正子率鄉
兵攻破之鋹以正子功聞經畧勒保君輔以遲延
奉

旨革職給正子六品銜賊鮮大川賺入貓兒寨得地利
參將褚璧石及正子團攻旬日不下正子知賊衆
飢必突出開一面爲去路比賊下要擊之殺七十
人璧石以百四十報功大川逸去會有言於經畧
勒保者曰璧石縱賊去實不曾殺賊也經畧責問
璧石繳首級驗虛實璧石無所措欲搜捕斬馘充

數正子力爭曰賊去已遠彼匿山谷中者皆避難良民也已而壁石竟搜馘良民七十人繳首級抵功正子仰天嘆曰是尚可爲耶時經畧已給正子藍翎賞守備銜與官牒將入奏正子詣軍門繳還經畧詢故正子曰正子出萬死執鞭弭徒以保鄉里耳一旦急功名義當奉調從征里中誰與守經畧義其言聽留五年四月賊首龍紹周擁衆臨雪泡山官軍未至時年飢備弛賊三路攀援而上殺良民三百餘人正子力敵受傷嘔血未幾死

歐陽果江里大池山人性任俠好義有聞於邑嘗殺人繫獄遇赦獲免嘉慶二年達州教匪蠡起開縣震恐衆驚惶若鳥獸竄果曰逃死與守死等爾死於野何如死於家乎衆曰諾乃卽所居大池山據之部署甫定而賊首徐添德王三槐擁衆犯縣境而三槐素聞果名欲以計誘入黨比至則見果繕築砦壁甚堅調遣有法器仗嚴肅遣使相聞且召之來果約次日相見於山麓詰旦果騎而往從者四人佩大刀前導至山半席地以俟未幾三槐

擁衆至果遙呼曰若畏耶不然何從人之多耶三槐麾其騎退以數人來果譬諭萬端勸其投誠三槐不爲動果叱之曰吾早有以待汝矣敢上我大池山一步若屬不得片甲還三槐知不可奪辭而歸次日三槐悉衆來攻果督團勇出戰憑高扼險矢石並下斬獲百餘人賊退走當是時有訛傳果從賊者觀察李某駐邑城中聞之大驚謂署令張陳鉉曰大池山乃邑之保障也果果降賊此城休矣張曰果性極剛且明大義必不從賊請召之來

開縣志

卷廿五

人物

廿六

以取信果隨去役來見李大喜爲請於經畧勒保奏給六品頂戴自是邑之避賊者咸歸焉全活十餘萬人

胡成章嘉慶初殺賊有功四川總督宜給行營千總

王希忠嘉慶初殺賊有功四川總督宜給行營千總

傅文第嘉慶初殺賊有功總理營務翼長白薛給七品頂戴

李之富嘉慶初殺賊有功陝西西安總鎮田給七品頂戴

王成勇嘉慶初殺賊有功雲南撫協鎮達給六品頂戴

張大忠嘉慶初殺賊有功總理新開軍務吳給行營把總

鄒以楹附貢生嘉慶元年知縣張有本委辦軍務隨領鄉勇管理三滙口糧台三載有餘四年復隨明將軍效力陝西湖北行營一年因病告歸年六

開縣志

卷廿五

人物

廿七

十餘而卒

傅國柱江里人嘉慶初東鄉賊唐五鬍子據老君凸作亂國柱率鄉勇百餘與官兵同破之授軍功嗣後屢從征伐皆有功二年達賊徐王等竄入臨江市勢甚猖獗邑令張有本令國柱率鄉勇守瓦子坪四年又令國柱守牛尾寨賊屢攻皆不能下保全民無算年四十六而卒

何文江里人幼有勇力嘉慶初率鄉兵堵禦邑西楊柳關生擒東鄉賊首唐五鬍子授把總隨征

維州奉

旨賞戴藍翎嗣迭次出師馬邊生擒首逆烏卜神與曲
俊父子遂積功至都司旋陞巴州營遊擊道光十
二年以積勞卒文一生忠耿視國如家視兵如子
凡歷任皆恩威並著而於通江營爲尤最至今通
民猶塑像以祀之

何紹忠江里人勇而多智善騎射當我

大清定鼎時而賊將劉進忠猶寇漢中蜀帥抽丁往攻
推紹忠統馭屢樹奇功卒亡於陣

開縣志

卷廿五

人物

廿八

桑家和浦里武生爲人任俠有膽畧嘉慶初教匪
擾境家和率衆禦之雷盛坪賊不敢犯嘗夜半隻
身入賊營取賊首級歸大帥聞其事壯之賞給藍
翎六品頂戴

人物五

孝友 割股附

明

汪霖字悅之汪瀚從孫爲邑弟子員素以孝聞母唐氏病篤霖嘗糞驗病略無難色母卒痛自哀毀殯葬盡禮人稱其孝

徐二陽事母至孝家貧每食必親奉菽水後家稍裕晨昏定省甘旨惟其所適母歿廬墓三載不入內寢學博行優當道題其匾曰孝子之門

開縣志

卷廿五

人物

三十五

蔣應奎由貢生官西鄉訓導奎弟早亡遺三幼姪奎撫養成立備禮婚配凡祖遺田地憐姪孤幼盡讓與之自置業以安己子鄉人咸服其義

汪果盛山里人汪安宅之子性淳謹事母至孝母年八十有餘患筋骨病卧十旬弗起果日夜憂念夢一道士曰爾母血衰須親子乳血和當歸地黃服之可愈果驚醒自喜遂割左乳得血半盞付弟朮如梦爲丸以進數日母病頓痊果乳亦平復人咸稱孝能感神

李 寄臨江上里人宅旁有河水迅發兄涉河失足爲水漂呼救寄聞奔救入河抱其兄卒不得至岸厲聲呼曰吾弟兄同死矣須臾與水流入洞後獲屍沙中弟兄猶挽抱不可解邑令以事報聞太守旌之曰舍生取義旌其兄曰愛能感弟

國朝

熊國鳳本湖南澧州人遷開縣兄國龍弟國榮各異居而國榮家中落國鳳與國龍頗有餘積國龍子正秀國鳳子監生敦第遂迎國榮同居推己田

開縣志

卷廿五

人物

三十六

業與國榮共邑人咸義之知縣宋大中以孝友傳家旌其門

熊周濱邑監生廩生熊聘之之父周濱父百祿年九十五己亦七十餘養志不衰父子年老俱鰥對床寢中夜恒數起視飲食必親進常教授於復源寨去所居十餘里每日暮省親一日歸已晚過洞口橋忽遇一老人固讓先行迴顧倏不見惟土神廟在焉百祿道光五年病故濱哀毀廬墓不以髦老廢禮

沈永德籍浙之烏程性孝友乾隆間貿遷至開母
陸氏年近大耄以三兄在籍侍養雖數千里歲必
歸省母卒兄永元永發永錫等咸居貧歲寄金爲
壽永元永錫相繼卒永發亦老遣伯仲子各一來
開永德視如己出規畫子母置業完配與己子同
以嘉慶九年病終繼配熊氏待諸姪恩義有加鄉
人賢之

張文璿江里人父崇良年七十四歲嘉慶初遇賊
被害文璿常欲報仇製火鎗利刃自隨後賊復來

開縣志

卷廿五

人物

三七

文璿挺身出鎗斃一賊賊駭散知縣馬鳴鑾給銀
牌賞功會賊尋至其家文璿伏壁中以火鎗連斃
二賊賊分頭奔竄人曰文璿雖膽力過人亦其至
性所激也

羅萬富附貢生字舜有妙年入泮卓有文聲事父
母竭盡孝養及母病萬富衣不解帶者數年兄弟
三人倚萬富理家政父母憐其勤勞命析爨凡膏
腴田產盡以讓兄弟雖各居三處朝夕往來未嘗
離時物非兄弟共食不遽食其友愛如此子廷選

爲邑廩膳生亦以孝聞

張宗仁字尊爵父朝偉由江右隸開籍宗仁入太學性至孝友事親每食必親奉侍側未嘗以子孫代勞父卒母余氏年八十餘尤加意奉養弗頃刻離兄弟五人宗仁爲長次三四弟先後物故待諸姪如己生五弟宗信亦監生同居一室白首無間當教匪壓城宗仁辦理軍需甚有條法前太守鄧公璜識其才略親至其家勸之仕以親老辭後年至六十餘而卒鄉人慕之

開縣志

卷廿五

人物

三八

沈本禮字典三原籍浙之烏程乾隆年間以賈來開性友愛兄弟四人本禮行三長監生本仁次烏程廩生本義四本智二兄一弟皆在故里家故貧本禮年以多金寄之後兄弟來開同處一室白首相對恍若總角鄉人欽其友愛

范一舉字三元江里人幼孤事母至孝母病乳癰晝夜扶持每以舌舐其痛處如是者三年未嘗稍懈母卒朝夕號泣幾不欲生親族力勸始進飲食終喪哀毀骨立卒邁疾年三十有五而歿

鄒世威原籍湖南康熙年間奉親來川抵開月餘
父卒威事老母撫幼弟苦積餘貲置業大池山厥
後母卒喪葬盡禮諸弟俱已成立五弟世咸得入
邑庠卽將前業概讓諸弟另自置產九龍山以遺
己子至今後嗣繁衍人以爲讓產之報

李名承本城監生性至孝父佐染病侍奉湯藥寢
食俱廢焚香禱祝願以身代父病旋愈又十餘年
壽九十一始卒 以上均錄石稿

王隆漢湖南湘鄉人家固貧父昌喜生隆漢甫半

歲卽入蜀歷十餘年不歸隆漢稍長詢父所在母
告以故隆漢遂終日哭泣欲往尋父母久之隆漢
跋涉數千里資斧乏絕行乞於道往來年餘至開
邑始與其父遇昌喜爲人傭堅不欲歸隆漢乃歸
楚迎母力不能備肩輿背負來蜀與父聚處竭力
耕作以盡孝養其後致富人以爲孝感云
陳惟□編脩塋之長子也性最孝父病數年侍湯
藥未嘗偶離父卒卽自縊以殉葬之日雙棺並舉
里人哀之邑進士陳崑有愚孝子歌並序孝子予

兄學山之長子也總角時有至性喜聞人談稗官俗所傳二十四孝如丁蘭刻木郭巨埋兒等事尤艷之少長隨父宦遊京師父病侍疾南還每夜靜輒焚香禱天不知誦誦作何語問之不答也父病篤孝子神瘦骨瘦諸叔父皆憂其不壽已而其父於乙巳年十一月十二日未刻終孝子卽於是時投繯死檢得腰間一紙痛言侍疾無狀罪深莫追祇得先父而入冥曹哀懇王者代父一死按語意本欲先時死殆以家人耳目衆多致誤也嗚呼苦

開縣志

卷廿五

人物

四十

矣其孝也哉其愚也雖然世之不愚者何恨而能孝者何人哉以格於例不得請

旌恐事久而佚爰作歌以紀之孝子名惟銛字礪齋卒年二十歌曰世間怪事那有此竟向閻羅替爺死傷哉爺死兒不生至今空說愚孝子

王朝選邑貢生少應童子試督學聶銑敏深器之拔置第一爲梓其文以行世歲試屢列優等以繼母劉氏老難遠離遂廢舉子業朝夕承歡恂恂惟謹嘗與弟析爨後弟家落復推己產予之弟卒所

遺子女煢煢無依飲食教誨朝選皆視如己出俾弟婦吳氏亦得守節完貞焉

何朝重江里歲貢厚重簡默從學者嘗數百人父瑀病二十餘年朝重侍湯藥未嘗偶懈鄉鄰皆稱其孝年八十四無疾而卒

謝文蔚武舉謝昌齡之父與弟析居時凡良田美宅悉推以與之己獨取其瘠而陋者夫妻均年八十四卒

賀文愷江里監生性孝友父早卒事母極孝每食

開縣志

卷廿五

人物

四一

不離几席夜必親視床褥嘉慶初教匪犯境文愷負母逃竄日行數十里至方城砦遇賊逼墜巖趾傷甚重得無恙人以爲孝感云有姪某借居文愷屋後竟私售於人族衆不平幾成訟文愷甘讓之無異言合族贈扁忍讓俱全

尹樂鳳江里人母郭氏病危樂鳳年甫十四割股和藥以進母疾旋瘳

以下割股附

趙開泰浦里人祖母黎氏病危開泰割取左膊肉煎湯進之病立除後家失火黎拚入尋死開泰捨

身救出遍體焦爛竟不藥而愈

謝運祕東里人母楊氏年七十一病篤醫禱俱窮
運祕割股和藥以進母病尋愈其初無知之者後
兄視其肘有刀痕因問之乃以實告

詹衍明邑東農民也赤貧佃耕母葉氏多疾二子
先後割股近隣蔡述清吳啟連亦農民也述清爲
生母黃氏割股啟連爲繼母鄭氏割股又儒童羅
錫恩爲祖母割股此數人者衡宇相望行事相類
出於至誠皆未可沒者

任張氏邑民任嘉璋之妻嘉璋爲墻所壓卧床數
月氏殷勤服勞衣不解帶逾年夫復病遂割股救
之始瘳人無知者厥後氏病危子嗣音爲之更衣
見其跡痕再三詢問始告以實

邱吳氏邑民邱良才妻良才病危氏割股和藥以
進遂痊

傅何氏職員傅紹璋妻翁病篤割股救之遂愈

堯陳氏邑民堯昌典妻姑病篤割股二次救之亦
愈

潘正華江里人因母目疾割股食之愈

任嗣勝江里人爲繼母病篤割股救之隨愈

譚傅氏邑民譚述喬之妻姑病篤私於寢室割股
佐羹進姑食之不日卽愈後家人見其血跡染衣
始覺傷亦旋平

周蒲氏爲夫病危幾死氏割其股以進病尋愈

龔吳氏邑民龔某妻翁病篤氏割股和藥以進病
卽愈

蕭氏廩生羅廷選妻夫病割股救之病愈後氏翁

開縣志

卷廿五

人物

四三

貢生羅萬春染病復割股和藥以進病亦愈當道
旌其門曰孝可格天

堯氏監生郭洪緒妻姑患病六載氏割股三次救
之病愈閭邑咸稱其孝

李國志東里人嘉慶二十三年母譚氏患病思肉
國志剖腹割肝調治病愈知縣白容華具文通詳
奉制軍賞給匾額曰孝堪風世本府又給額曰是
難能也

論曰割肝較割股爲難世未有割肝而不死者

割肝而不死且能救其母之死其事甚竒夫天下唯愚忠孝足以感天地動鬼神耳君子於李國志事固有不忍深訾者也

龔吳氏邑民龔傅元妻姑病危篤氏割股救之而愈

唐文光江里人母李氏抱恙文光割股救之卽愈延壽九載而卒

潘冠羣江里職員母袁氏染疾莫愈冠羣割股救母至今七十六歲尙存

開縣志

卷廿五

人物

四四

吳代華東里人母向氏病篤割股啖之而愈

潘陳氏邑民潘正學之妻嘉慶丙子其姑袁氏染病莫愈氏割股和藥進之至今無恙

胡姚氏胡洪哲之妻道光甲申歲歉乏食洪哲病篤思肉氏割股以進病愈未幾氏竟以創死里人至今哀之

彭聯陞江里武舉母病聯陞與妻譚氏割股進之母病遂痊

溫譚氏江里溫泰熙之妻道光二十年七月內爲

姑病割股一次三十年五月爲父病又割股一次
溫趙氏江里溫泰崧之妻道光二十四年六月姑
病氏割股以進病愈

雷周氏江里民雷朝壽之妻姑病九載弗愈氏割
右股啖之病瘥次年母亦得恙氏割左股奉之亦
愈道光甲午年朝壽染癆瘵不起氏復割股以進
病亦愈氏見年六十餘歲

周張氏邑民周仕俊之妻嘗割股兩次以療姑病
後夫病氏復割股進之

開縣志

卷廿五

人物

四五

杜張氏邑民杜萬全之妻姑病思肉氏割股以進
病愈後翁病氏復割股療之亦愈

李許氏邑民李興華妻道光二十四年姑病篤思
肉食適歲旱祈雨禁屠不能得氏乃割股烹而進
之病卽愈

曾氏邑民徐某妻早寡事姑至孝姑病危割股療
之而愈賊匪入境舉家逃避氏獨衛姑不去賊憫
其孝皆釋之

劉氏熊業偉妻年二十于歸後姑與夫邁疾均割

股以救病愈人無知者後暑日肘見長男視其痕
詢久乃言且氏幼許於熊嘉慶三年年方十四隨
母避亂俱被賊虜次年至巴州氏因病獨爲鄉勇
所獲欲玷之氏倉皇無措乃卽岩前乘勢而赴不
意墮於草叢得不死內杜文魁壯其烈收爲義女
逾年欲爲改適氏誓死不再乃命寄書於家氏父
劉啟潤於嘉慶七年親至巴州接回于歸於熊厥
後夫沒居孀撫子成立迄今年七十五身強健好
施與孫曾滿堂大小和睦按 咸豐二年詳請

開縣志

卷廿五

人物

四六

旌表

蔡氏邑監生蕭澤沛妻性至孝氏翁病篤嘗割股
以進人無知者事繼母承順族黨賢之好施與里
中有貧乏者嘗周濟之壽八十卒

按明宣德元年詔自今割股者不得請旌迄今
猶垂爲令則然世之忍而爲此者皆出於愚夫
愚婦非計名也故自尹樂鳳以下三十餘人君
子亦諒其志焉可也

人物 六

隱逸

唐

常徵君 開州人與杜甫爲友永泰元年杜甫自忠州至雲安徵君走訪之有寄常徵君詩云白水青山空復春徵君晚節傍風塵楚妃堂上色殊衆海雀階前鳴向人萬事糾紛猶絕粒一官羈絆實藏身開州入夏知涼冷不似雲安毒熱新

覃山人 開州人舊志覃山人大歷中居夔杜少

開縣志

卷廿五

人物

四七

陵題其隱居有北山移文誰勒銘悵望秋天雲翠屏則知山人非終於隱者姑存之

明

徐 鸞開縣人舊志幼業儒深明易理居茆村善卜林大中丞徵入幕府占休咎無不應驗每出師因以制勝治家有禮餘財濟貧鄉人德之

人物七

行誼

明

向 書赴京渡黃河拾一囊內有巫山舉人王翱
咨文銀兩因追及告知翱泣曰吾但得文失金二
百兩恣可相酬書盡數歸之

徐 沔臨江里人爲邑吏時賊叛邑令獲餘黨數
十人欲誅之沔請曰豈可惜片晷研問而枉數十
人性命乎請再鞫果止眞賊八入餘皆釋去衆羅

開縣志

卷廿五

人物

四十八

拜泣歸

謝 晟臨江下里人幼讀書不求名利鄰里有饑
寒卽行周卹閭里莫不感慕

國朝

宋大義字允文本浙江烏程人遷本邑臨江市貿
易發跡得遊太學性慷慨好施與其子監生名標
承父志乾隆戊戌天大旱斗米四千名標以父命
市米百石減價平糶己亥復大荒餓莩塞道施棺
掩埋不繼則斂而藁葬之瘞至千人後長孫學洙

中拔萃次孫學泗補博士壽八十四歲乃卒人以爲陰德所致云

張至勝字以理原籍湖北蒲圻縣父兆宗始隸開至勝長鬚豐頤老成諳練好義疎財爲人解紛排難有魯仲連風捐職從九居臨市瀕江渡口當孔道往來負販多苦舟子索錢至勝以同鄉靖江會錢千餘緡買徐家壩田地一分置義渡又買地二處一作義塚一收租施棺靖江會者至勝父與同鄉陳裔祿共倡爲之僅餘三十金而至勝經營生息遂至千金之多當教匪逼境時又偕監生宋名標併力堵禦李觀察給以軍功銜使之仕辭不就其存心利濟才能識略有足多者

李民安字養晦東里馬家營人未冠遊庠教讀里中循循善誘能吟詩鼓琴頗識元理年至九十餘卒

羅萬春號晴峯縣人世爲邑豪族饒於貲萬春爲人孝友有血性敦睦宗親嘉慶二年教匪滋亂閭井提挈老幼往相依爲空其室以庇之不繼則賃

別廡以居之間出廩穀以資貧乏所不得食嘗曰
當此時而坐擁錢刀者眞愚人也知縣張有本馬
鳴鑾修兩少城飭萬春巡功乃捐重貲以助日夜
勩勞城上不歸參贊德楞泰提督穆克登阿駐兵
縣境嘗館其家雅重之勸之仕以老母辭賊平家
漸落詩酒禮門教二子讀書遊庠尊禮師長治家
有法邑人稱德年五十五卒

許正泰邑貢生恬靜寡言好學不倦居近市罕與
市人往來家貧不能購書聞人有異書輒借歸手
錄讀之所錄至盈笈滿架年七十餘無疾而終易
簣時猶手一編似沈吟者

黎 芝邑貢生好讀書善屬文每一藝出土林爭
購之邑侯師瑞龍延主芙蓉書院所成就多知名
士縣邑文風大起

蔡正品邑監生嘉慶三年督修寨卡率領團勇至
興隆寨高峰寨禦賊俘獲甚多其被賊殺者施棺
掩埋食乏者濟以粟年八十餘歲卒

程輝緒名煜聞以字行郡廩生父必舉兄可泰皆

食餼於庠相繼早卒家素貧舌耕奉母克盡孝道
弟道蘭姪心敏俱少孤輝緒撫之成立同入邑庠
嘉慶二年賊匪據臨江市虜入營欲降之不從乘
夜逃歸遂無志功名訓誨塾中子弟先德行而後
文藝嘗滙萃儒先奧旨參以己意手著四書便抄
一部識與不識皆轉相傳錄先是嘉慶戊辰例得
恩貢乃乞病以讓賢路至今士林稱其恬退
何元佑邑歲貢端方正直閭里敬愛選授射洪縣
教諭不仕終身焉

開縣志

卷廿五

人物

五十一

蕭蘭邑庠生品行端方治家嚴肅有法凡族中子
弟皆敬畏之家塾延師禮遇獨渥長子炳然登丁
酉科賢書選授瀘州訓導次子天椿亦入邑庠
陳明瑾江里監生少得火炎上疾體羸弱至年六
十始強日行數十里不假拄杖性恬淡不喜理家
政終日澆花種竹足不履城市者三十餘年惟好
臨帖雖盛暑酷寒弗輟尤豪於飲醉則伸紙疾書
獨闢蹊徑故晚年益臻妙境其次子崑成進士長
孫惟鐘食餼於庠皆其義方之教也卒年八十歲

邑紳採
訪填諱

張正先江里人爲蕭氏田戶嘉慶三年四月匪衆突至閭里駭竄正先與其子張三負蕭氏幼子天華天馥逃方城避難道遇賊將盡擄去正先從容說賊曰吾父子負蕭氏兩幼兒走以蕭公有德者也何罪於君等必欲殺人子也如不肯放行則吾子張三汝可將去惟所役蕭氏兩小兒願以老命請賊義而從之蕭子得無恙後張三爲賊所殺正先竟絕嗣年七十餘卒天華後爲邑庠生天馥中

開縣志

卷廿五

人物

五二

丁酉科舉人選授瀘州訓導祠祀正先

沈廷輝邑進士西序之父也性耿介端方雖居城市足跡不入公署自少爲諸生有文名及長博極羣書考核精詳所著有廿一史纂要開縣志稿藏於家

蕭天衢江里人正直端方取與不苟道光年間凡邑中大興作必推天衢總理人無異言里中有構訟者得其片言卽釋其爲人敬服如此待兄弟最友愛治家亦嚴肅可法以候選縣丞終於家

急公尚義

道光六年署知縣林丹雲奉文勸設義學倡捐廉
二百千監生廖先李通判羅廷達武生陳有瑾衛
千總侯文彬監生尹功廉貢生鄧三耀縣丞蕭天
衢州同吳必華貢生吳必賢監生唐國祿糧民陳
寶富涂開甲監生賀芬廩生賀瑤王紹級武生賀
慶雲朱文明溫覲揚羅毓曾朱應武謝東山楊公
爵余朝祖楊成林捐錢七千三百串有奇設立城

開縣志

卷廿五

人物

五三

鄉義學共十四處由縣備文詳府凡捐錢五十千
文以上者請府給匾獎勵五十千以下者由縣自
行獎勵經知府恩成批准獎給匾額曰義推鄉塾
王道海東里監生距縣東三十里渠口渡捐置義
田一分
陳仕允江里職員距縣南一里草街子捐置義渡
田一分
李文彬江里監生距縣西十五里觀子口捐修石
路十里

柯維廷東里民距縣東六十里象鼻子捐修石崖
大路十里

羅元達東里民距縣東溫湯井捐修石崖大路十
里

唐星垣捐修培元橋一座

唐國祿東里監生在縣東觀音壩紅豆梁長店坊
三處共捐修石路三十里又於長店坊建大石橋
一座曰太學橋費錢七千餘緡國祿歿後妻李氏
捐修平橋三座近隣待舉火者甚衆年八十餘猶

開縣志

卷廿五

人物

五四

健

吳楚璋職員距縣南四十里馬滾坡捐修石梯大
路十里蕩平橋一座

尹國尚江里人捐置桃溪上渡義渡田一分

陳一書浦里人周濟貧乏已三十年猶樂善不倦
龔裔達監生在縣屬地名老鸛嘴距縣東一里龍
舌嘴距縣西三十里桃溪河李家沱各距縣北五
十里四處共捐義渡田一分

周良臣江里人同弟天臣捐置桃溪下渡義渡田

一分

劉代富江里人家屬概被賊戕遺存業產該境紳耆鄧朝壽等公議捐修二美渡以作渡田距縣西四十里

王明斗武生距縣南一百二十里雙河渡捐置義渡田一分

譚希碧東里距縣東六十里綱鹿溪 捐置義渡田一分

馬長昭江里人同弟全昭距縣西四十里濟美渡

開縣志

卷廿五

人物

五五

捐置義渡田一分

尹聯科江里人距縣西五里捐桐子灣義塚山坡一處

鄒興照江里附貢生與監生廖紹選鄒興文里民廖先齊彭幸國於嘉慶二十一年距縣西三十里捐修石路二千餘丈陶家埧渡船一隻

薛光義江里監生與職員陳明理附貢生鄒興照等於道光五年距縣西五十里小桃溪捐修石橋一道石路千餘丈七里潭渡船一隻

黃晏一江里人與王茂姜順等乾隆三十年間於里中捐設義渡

蕭國銓江里庠生於鞏家灘捐設石橋一產

吳先中東里監生與弟文中姪貢生必銘等嘉慶十七年於多肖坪建修石城週圍里許高一丈六尺爲里中避難所又修文星橋大佛橋二座西壩放生潭周家壩康家嘴多肖坪等處大路數百餘丈

何士成東里人先自楚來開積有餘貲卽迎父兄

開縣志

卷廿五

人物

五六

與弟同居歲旱減價糶全活甚衆

羅晉元城內人年未冠嬰羸疾不愈性特好善道光庚子歲旱苦饑晉元首捐穀五十石出賑自後捐穀者相繼是歲旱不爲災又捐錢百串掌放生息爲每歲掩骼之用其錢見交監生皮存恢經理卒前謂其家曰余族向無宗祠願將祖遺房屋一所並邑治後田地一契捐爲闔族祠堂與貧者婚嫁喪葬誦讀諸費我故後務成其志晉元未幾歿其祖母程與伯祖母蕭恣如遺言舉行族人稟請

立案知縣陳長墉批曰若晉元者年雖弱冠而敬宗睦族若此已合成人之道豈可以其不獲永年而令其湮滅不彰乎飭於宗祠後廡爲晉元設龕歲時以祀庶晉元事先思孝之意亦藉以勿替云尹懷伊江里例貢生捐置育嬰堂田地一契價值五千餘金捐修駟馬橋一所費三千餘金又捐置瓦子坪義學一所其他修補橋路甚多難以臚述統計不下二萬金好善實爲一邑□

蕭國銘江里武生同子廩生蕭澤□捐置琵琶渡

開縣志

卷廿五

人物

五七

鐵鎖橋渡田二處

陳全發全美東里人兄弟俱好行善施渡四處捐□田一契價值千餘金

周朝舉浦里人捐施陳家場上場義渡其子監生廷發又捐置鄉學一所知縣陳詳請議叙鹽知事銜

朱崑修浦里人捐置大梁子廟埡口鄉學田地二處議叙正八品銜年至八十餘歲而卒

桑苞浦里人捐州同職銜捐置中嘴河義渡田地

一處捐修秋壩溪石橋一座

劉修倫江里人捐修清溪河石橋一所費千餘金
又捐置龍門崖義塚地一處

方崇善江里人捐修頭道河鯉魚洞等處石橋三
座費三千金

徐仁騏東里武生捐置窄口子義渡一處

郭周氏邑民郭大坤之妻捐置長店坊渡田一分
蕭澤洋江里庠生援例分發貴州通判捐修成德
橋一座費四千餘金自題橋聯云誰默相以成難

酬神貺吾何力之有但費匠心

陳宗才邑監生所居地名石龍船就其地構茶亭
施茶十年補修石橋三座每屆歲暮減價糶與貧
民有死亡者輒施棺葬之數十年未嘗或懈
羅廷達城內人分發湖北候補通判以目疾家居
樂善好施嘗修李家壩石路五百餘丈又修石橋
一座填補三元宮後街道共費千金

上官儀江里人以訓蒙爲業所積錢輒與市之孤
貧者嘗建字庫於臨江市僱人收拾字紙又買地

於普濟寺之右以爲義塚時有上官善人之目
雷大鵬江里例貢生同弟職員雷大震於官壩河
涼陰渡兩處捐置義渡田地一分
周德釗邑人捐置官潭義渡田地一分
唐張氏唐國爵之妻捐置郭家灣石橋一座
龔顯鏞捐建邑西三十里鎮安橋一座
張元魁浦里人於清龍潭渡捐置義渡田一分
方金氏同子崇貴捐修清溪溝四道河鯉魚洞等
處石橋三座

道光十八年知縣陳長墉議設培俊堂倡捐廉錢
一千串江里監生陳有光首捐傅家壩田地一分
繼有監生傅國朝王朝梁祁學獻李煥山周廷發
唐正發等共捐置江巴河西雲橋金家坡李家壩
火石梁等處田地歲收租課爲士子三年大比賓
興之資通詳立案

道光二十年後三里士民續捐盛山開陽兩書院
膏火姓氏江里周景崙王紹第各捐置田地一分
均價值錢一千串以上江里楊芝洪傅國典周安

久黃明秀東里侯祖祥侯李氏浦里李生朝各捐
置田地一分均價值錢五百串以上江里李昌化
李奇常黃啟彥東里張劉氏陳今鳳各捐置田地
一分均價值錢二百串以上歲收租課備用通詳
立案

道光二十三年署知縣恒裕建立育嬰堂除例貢
生尹懷伊倡捐田地外蕭開國捐田地二分歲收
租穀二十六石徐鼎光徐世榮共捐錢二千串溫
仁彰捐錢二百五十串向劉氏捐錢三百串皆以

開縣志

卷廿五

人物

六十

田地抵算梁世榮捐錢一千串梁世清捐錢一千
六百串熊聘侯捐錢三百串周武揚捐錢三百串
侯朝彥捐錢三百串又捐房屋二所抵錢七百串
羅蕭氏程氏仝闔族羅廷煥等共捐市斗谷三百
石作錢一千串均通詳立案

人物九

耆壽

國朝

汪維翊東里人年七十七歲妻徐氏年七十六歲
子一孫一曾孫一元孫一五世同堂

李榮先浦里人有子二孫六曾孫十元孫二五世
同堂卒年八十有七

徐祖祥浦里人有子五孫二十八曾孫八元孫二
五世同堂現年九十歲

開縣志

卷廿五

人物

六一

魏允文東里人有子名政譜孫二曾孫十元孫五
五世同堂現年八十五歲

趙譚氏浦里人適民趙冕現年一百有四歲有子
六長勝東現年八十二歲次勝敏邑增生次勝涵
勝魏勝秦勝楚俱六七十餘歲孫十九長九阜邑
庠生曾孫二十九元孫十二男女共一百四十餘
丁口五世同堂一門祥和真人瑞也

陳譚氏江里人適陳某有子四人鳴岐邑庠孫謨
孝廉等九人曾孫友仁等二十人元孫二人現年

九十歲五世同堂

楊潘氏江里人適民楊學禮有子安仁孫世澤曾孫治朝元孫天錫五世同堂現年九十一歲

魏張氏江里人適民魏明錦有子二孫八曾孫十二元孫四五世同堂現年七十八歲

黃何氏浦里人適民黃勝舉早卒氏撫四子成立長廷揚入國學孫十二曾孫十元孫四五世同堂現年八十四歲

蕭宗哲東里人妻周氏同生於乾隆十二年正月

開縣志

卷廿五

人物

六二

二十六日子時現年八十四歲白首齊眉子孫衆多衣食豐足鄉人皆競羨焉

謝徐氏邑民謝榮楨妻現年八十五歲子昌魁文昌恒三人有孫十人曾孫十人元孫七人五世同堂一庭雍睦

杜陳氏邑民杜某妻現年九十八歲家貧作苦食力六世同堂孫曾衆多

張李氏現年九十七歲子五人祖禹祖湯祖周祖望祖旦孫男十二人曾孫三十人元孫四人五世

同堂男婦共一百四十餘人鄉人競羨焉
任毛氏文生任毓德妻生子 恩貢生嘉鋌等三
人孫邑庠嗣音嗣厚等十一人曾孫傳頤等二十
六人元孫春芳等五人五世同堂年九十餘歲乃
卒

吳方氏邑人吳道興妻生子監生全中先中文中
等三人孫例貢生必銘必賢州同必華職員必朝
等十一人曾孫武庠廷用廷伊等二十四人元孫
世紱等十五人五世同堂年九十餘歲

以上出石稿

開縣志

卷廿五

人物

六三

周開照浦里人爲人廉介不苟家政肅雍五世同
堂見年八十六歲妻陶氏亦見年八十四歲
王成倫五世同堂年九十六歲而卒

張裔秀江里人五世同堂見年九十歲

楊正權江里人五世同堂見年九十二歲

張奇態江里人原配謝氏均見年八十五世同堂

以上五世同堂

柳懋華東里人現年九十六歲

黃先朝江里人現年八十四歲

陳定猷江里人現年八十六歲

唐朝拔東里現年八十七歲

陳長興江里人現年八十三歲

胡順轉江里人現年九十歲

袁耀遠東里人現年八十六歲

李宣貴東里人現年八十九歲

丁仕祥江里人現年九十三歲

黃賢才江里人現年八十五歲

魏正級東里人現年八十四歲

開縣志

卷廿五

人物

六四

徐行愷東里人現年八十三歲

陳紹榮江里人現年八十五歲

宋經邦東里人現年八十六歲

鄒正興東里人現年八十五歲

陳煥然江里人現年八十四歲

陳福隆東里人現年八十五歲

陳鳴鑾江里人現年八十四歲

王復盛浦里人現年八十五歲

胡才禮浦里人現年八十三歲

唐朝富東里人現年八十四歲

溫啟仁江里人現年八十七歲

鄒興柄江里人現年八十六歲

李宗清東里人現年八十六歲

李華兆東里人現年八十四歲

李啟一江里人現年八十八歲

羅仁山江里人現年八十六歲

李國興江里人現年九十三歲

李宗桂東里人現年八十四歲

開縣志

卷廿五

人物

六七

蕭開慧東里人現年八十三歲

譚作霖東里人幼失恃怙有兩弟甫數歲作霖撫之成立三弟作瑜得入邑庠姪求訥亦食廩餼皆承其教也尤好抄書手所錄成帙者不下數百卷現年八十歲里人贈扁曰齒德俱尊

李錦文壽八十八歲

鄒國瑤壽八十一歲

李佐卽錦文子壽九十一歲

李楊氏卽佐妾壽八十歲

汪維忠壽八十五歲

柳之翰壽八十歲

湯省吾壽八十四歲

徐瓚華壽八十三歲

洪光璵壽八十六歲妻王氏壽八十七歲

柳胡氏壽八十九歲

張啟英壽九十一歲

譚郁蘭壽八十一歲

何元標壽八十三歲

開縣志

卷廿五

人物

六八

陳聶氏現年九十歲

梁昌富現年八十歲妻譚氏現年八十歲

蕭向氏現年八十九歲

陳明達邑庠生壽九十歲

傅祚周現年八十二歲

鄒永御八十六歲妻陳氏年八十七歲嘉慶元年

恭逢

覃恩賞給九品頂戴

王正榮壽九十三歲尚康健不衰

許學文東里人現年八十三歲

張昌文江里人現年九十四歲

鄒興稷江里人現年八十七歲

何善政江里人現年九十三歲

余廷芳東里人現年八十五歲

熊業位東里人現年八十八歲

熊業佺東里人現年八十七歲

劉世鰲浦里人現年九十五歲

黎陞一東里人現年八十六歲

以上九人補錄石稿

開縣志

卷廿五

人物

六九

徐光君年八十三歲道光二十七年恭逢

覃恩賞給九品頂戴

任嘉琳年九十二歲卒其妻宋氏九十五歲尙存

傅增育邑庠生性孝友樂善好施年八十五歲尙

存猶健